

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON  
KANTON SREDIŠNJA BOSNA  
OPĆINA JAJCE  
OPĆINSKI NAČELNIK



BOSNIA AND HERZEGOVINA  
FEDERATION OF BOSNIA AND HERZEGOVINA  
CENTRAL BOSNIA CANTON  
JAJCE MUNICIPALITY  
MAYOR OF JAJCE MUNICIPALITY

Broj : 02-14-2775/18  
Jajce, 12.04.2018. godine

Na osnovu člana 15. Zakona o principima lokalne samouprave F BiH (Sl. novine FBiH broj 49/06), člana 39. Statuta općine Jajce (Sl. novine općine Jajce broj 3/08), člana 2. Odluke o kriterijima, za dodjelu sredstava iz budžeta/proračuna Općine Jajce, s pozicije 614300 – grant neprofitnim organizacijama – udruženjima/udrugama građana (Sl. novine Općine Jajce, br.4/08), te člana 43. Odluke o izvršenju budžeta/proračuna Općine Jajce za 2018. godinu, broj: 01-01-6-724/18 od 31.01.2018. godine, Načelnik Općine Jajce raspisuje

### **JAVNI POZIV**

**Za prijavu projekata namijenjenih neprofitnim organizacijama – udruženjima građana koji su planirani za finansiranje/sufinansiranje iz budžeta/proračuna Općine Jajce za 2018. godinu**

### **PREDMET POZIVA**

Objavljuje se Javni poziv svim neprofitnim organizacijama - udruženjima građana s područja općine Jajce za sudjelovanje u raspodjeli sredstava planiranih u budžetu Općine Jajce za 2018. godinu kao potpore u provedbi programa i projekata u svom radu.

Odobreni projekti finansirat će se u dvije tranše i to:

Prva tranša po donesenoj listi odabranih projekata.

Druga tranša po završetku projekta, a isplata će pratiti izvršenje prihoda u budžetu općine Jajce za 2018. godinu u odnosu na odobrena sredstva za projekat.

Pravo prijave na Javni poziv imaju sve nevladine organizacije – udruženja građana uredno registrovane i koje djeluju na području općine Jajca.

### **PROJEKTI KOJI MOGU BITI FINANSIRANI PO OVOM JAVNOM POZIVU:**

- Zaštita uređenja okoline,
- Projekti koji pružaju pomoć osobama sa posebnim potrebama,
- Neformalno obrazovanje,
  - 0 segment ekologija
  - 1 segment turizam
- Jačanje demokratskog društva,
- Ostali projekti značajni za općinu Jajce

**Projekti neće biti finansirani ako je rezultat projekta ili aktivnost u projektu navedeno sljedeće:**

- Sponzorisanje za sudjelovanje u radionicama, seminarima, konferencijama
- Treninzi i kursevi,
- Izgradnja objekata i poslovnih objekata,
- Kupovina opreme, osim opreme za realizaciju projekta,
- Finansiranje projekata koji su već počeli,
- Projekti koje podržavaju političke stranke.

Vremenski rok trajanja projekta je 12 mjeseci, a svi projekti moraju biti realizovani na području općine Jajce.

Troškovi realizacije projekta trebaju biti realno prikazani i grupirani u tri dijela:

- Administrativni troškovi max. 40 % ukupnih troškova projekta,
- Direktni troškovi neophodni za realizaciju projekta i projektnih aktivnosti,
- Troškovi osigurani iz nekih drugih izvora.

Uz prijavu na javni poziv se dostavljaju sljedeći dokumenti:

- Projekat za koji se traži podrška,
- Statut nevladine organizacije, udruženja,
- Rješenje o registraciji organizacije ili udruženja (ovjerena kopija),
- Porezni ID broj,
- Izvještaj o radu za prethodnu godinu,
- Finansijski izvještaj za prethodnu godinu,
- Pismo podrške drugih saradnika u projektu ukoliko postoje,
- Ako projekat uključuje više od jednog udruženja/udruge, podnijeti pismenu izjavu iz koje se jasno vidi tko je nosilac projekta, a tko partner na projektu.

Pravo učestvovanja na Javnom pozivu neće moći ostvariti one nevladine organizacije i udruženja građana ukoliko:

- nisu Općinskom vijeću odnosno Službi finansija Općine Jajce dostavili izvještaj o utrošku prethodno dobivenih sredstava iz budžeta Općine,
- se protiv tih organizacija ili udruženja vodi sudski proces ili imaju kreditno zaduženje.

Prijave sa potrebnim dokumentima dostavljaju se u roku od 21 dan od dana objave javnog poziva. Prijavni i budžetski obrasci mogu se preuzeti na web stranici ([www.opcina-jajce.ba](http://www.opcina-jajce.ba)) i na protokolu Općine Jajce.

Prijave dostaviti u zatvorenoj koverti sa naznakom: **„Prijava na javni poziv za raspodjelu budžeta općine Jajce neprofitnim organizacijama – udruženjima građana“**. Prijave se dostavljaju na adresu Općine Jajce, ulica Nikole Šopa bb 70101 Jajce ili putem pisarnice Općine Jajce – Komisija za dodjelu sredstava namjenjenih udruženjima/udrugama.

**Nepotpune i neblagovremene prijave neće se uzimati u razmatranje.**

Aplikant može aplicirati na ukupan iznos cijene projekta ili dio nedostajućih sredstava, što je dužan navesti u prijavi. Ocjenu aplikacije i konačan odabir, uz prethodnu saglasnost Općinskog načelnika, će provesti Komisija u skladu s kriterijima utvrđenim u Odluci o kriterijima za dodjelu sredstava iz budžeta/proračuna Općine Jajce s pozicije 614300 grant neprofitnim organizacijama.

OPĆINSKI NAČELNIK

Edin Hozan